

## ¡BOMBA!

De alegría y tristeza,  
tu rostro en los reflectores;  
hoy para ti, estos honores:  
kyaakunmajech', Socorro Loeza



# K'uintsil

Jueves 21 de noviembre de 2024

CAMPECHE · YUCATÁN · QUINTANA ROO · AÑO 10 · NÚMERO 2367 · [www.lajornadamaya.mx](http://www.lajornadamaya.mx)



## María del Socorro Loeza Flores tu k'amaj Medalla Yucatán 2024

Rodrigo Medina / p 23  
Oochel Facebook *Huacho Díaz Mena*

Tu k'iinil jo'oljeakmiércolese', k'uba'ab Medalla Yucatán 2024 al Mérito Cultural ti' María del Socorro Loeza Flores, xbeet balts'am, próoduktoráa yéetel kóoproduktoráa balts'am, kóomcha'an yéetel chowakcha'an tu'ux ku tóoch'taal maaya miaatsil ti' u lu'umil Yucatán. Chiimpolale' k'uba'ab tu noj kúuchil Palacio de Gobierno, tu'ux táakpaj u jala'achil u lu'umil Yucatán Joaquín Díaz Mena yéetel máax jo'olbesik u mola'ayil Secretaría de Cultura de Yucatán,

Patricia Martín Briceño, je'el bix xan máaxo'ob táakpajo'ob beey juradóo, jo'olbesa'anb tumen Raquel Araújo Madera, yéetel Feliciano Sánchez Chan beyxan Carolina Depetris.

Chiimpolale' ku táakmuk'tik meyaj ts'o'ok u máan k'iin káajak u beeta'al tumen María del Socorro Loeza Flores ti'al u xiímbal miatsil te'el lu'uma', tumen tu yóok'olale' chíika'an maaya miatsil.

Te'el sútuko' Loeza Florese' tu k'aataj ti' u meyajil jala'ach ka'aj

náats'ak ti' maaya kaaj. "Maaya kaa'je' kuxa'an, maas chíika'an walkila'. Tu jaajil, yéetel tuláakal in puksi'ik'ale' kin k'áatik ka'aj jach okok tu tuukul máak ba'ax ku yúuchul te'el púut kuxtala'. K'a'abéet kmúul meyaj, ka'aj u'uyako'on, ka'aj a na'ate'ex yaan knáayo'ob yéetel taak kjaankúuntiko'ob; k-k'áat kuxtal ich jáalk'abil, ti' jump'éeel lu'um tu'ux ka béeyak kjets'ik ba'ax k-k'áat", tu ya'alaj Socorro Loeza.

Tu ja'abil 2002 ka'aj káaju jo'olbesik u múuch' balts'amil Ariel Méndez tu méek'tankaajil Tecoh, yéetele' ts'o'ok u beetik u cha'anil tsikbalo'ob yéetel leyeendas maaya kaaj.

Chiimpolale' ku k'ubik xan 25 mil pesos yéetel jump'éeel diplomáa. Beyxan te'el sútuko' táakpaj Coro de Cámara de Yucatán, jo'olbesa'an tumen Jonathan Renteía Valdez, tu'ux k'aya'ab Aires del Mayab, beeta'ab tumen Pepe Domínguez yéetel Cochinita Pibil beeta'ab tumen Emilio Pardón.